

Headline	Lima pesakit tidak sengaja dijangkiti HIV		
MediaTitle	Utusan Malaysia		
Date	11 Feb 2017	Color	Full Color
Section	Luar Negara	Circulation	171,663
Page No	13	Readership	563,000
Language	Malay	ArticleSize	180 cm ²
Journalist	N/A	AdValue	RM 3,590
Frequency	Daily	PR Value	RM 10,770



Lima pesakit tidak sengaja dijangkiti HIV

BEIJING 10 Feb. - Sekurang-kurangnya lima pesakit disyaki terkena jangkitan HIV secara tidak sengaja ketika dirawat di sebuah hospital perubatan tradisional di China baru-baru ini.

Menurut Suruhanjaya Perancangan Keluarga dan Kesihatan Wilayah Zhejiang dalam satu kenyataan semalam, insiden itu berpunca daripada tindakan seorang juruteknik menggunakan semula tiub yang pernah digunakan seorang pesakit HIV sebelum ini.

Suruhanjaya tersebut turut melabelkan perbuatan itu sebagai satu 'peanggaran prosedur perubatan yang teruk'.

Bagaimanapun, kenyataan terbabit didakwa tidak memperincikan jumlah sebenar pesakit yang menjadi 'mangsa' juruteknik hospital di wilayah Zhejiang itu.

Difahamkan, situasi tersebut telah dimaklumkan kepada pihak kerajaan pada 26 Januari lalu namun, tiada sebarang kenyataan dikeluarkan termasuk sejak bilakah jangkitan itu mula merebak.

Turut tidak dinyatakan ialah rawatan yang dijalani

mangsa sebelum disahkan terkena jangkitan HIV itu.

Dalam pada itu, laman web hospital terbabit dikatakan menghadapi masalah sejak tengah hari semalam dan wakil hospital juga gagal dihubungi untuk mendapatkan komen lanjut berhubung isu berkenaan.

Lebih malang, kebanyakan laporan akhbar berbahasa Cina yang menyiarkan insiden tersebut serta komen kritikal dalam media sosial juga 'dipadamkan' dan hanya satu kenyataan ringkas pihak kerajaan dimuat naik berhubung perkara itu.

Seorang pengguna laman sosial Weibo memberitahu terkejut dengan insiden yang berlaku di salah sebuah hospital yang disifatkannya antara terbaik di Hangzhou.

Seorang lagi pengguna pula mendakwa, orang ramai mempunyai hak untuk mengetahui apa sebenarnya yang berlaku di hospital terbabit.

Berdasarkan laporan yang dikeluarkan pada 2015, sebanyak 501,000 kes HIV/AIDS direkodkan di China sepanjang 2014. - AFP



SEKURANG-KURANGNYA lima pesakit dijangkiti HIV secara tidak sengaja di sebuah pusat perubatan tradisional di China baru-baru ini. - AFP